

HEADLINES

۱. ضلع راجوری غا گراں بڈھال مانہ مشکوک اموات غی وجوہات بارے چہان بین کرن واسطے بین وزارتی ٹیم موقع ور پہنچی۔
۲. سوپور مانہ فوجی دستاں تے دبشتگرداں بشکار ٹاکرہ مانہ ۱ فوجی جوان شہید ہو گئے تے کارروائی اجیں جاری ہے۔
۳. وزیر دفاع نے اظہار کیو ہے جے نوجوان قوم گو سرمایو بین جہیرا ملک کی ترقی تے خوشحالی مانہ اپنو کردار نبھاویں گا۔
۴. محکمہ موسمیات نے پیشن گوئی کی ہے جے جموں کشمیر مانہ کل تیں ۳۲ جنوری توڑی بکھ بکھ مقامات ور ہلکی بارش تیبرفباری گا امکان ہیں۔

INTER MINISTERIAL

مرکزی وزیر داخلہ امت شاہ غا حکم ور تشکیل ایک علی سطحی بین وزارتی ماہرین غی ٹیم بڈھال گراں پُچی تانجے ۲ ماہ غے دوران ہوا اموات غو پتو لایو جاسکے ٹیم مانہ صحت زراعت آبی وسائل تے فائنسک لیب غا ماہرین شامل ہیں جموں کشمیر پولیس غی ایس آئی تی تے سینٹرل ٹیم غی مشترکہ کوشش ۷ دسمبر تیں ہون آلی ۷۱ اموات غے پچھے ہون غی وجہ پتو لان غی کوشش کریں گا۔

OPERATION GUJJARPATI

سوپور غا دلورہ گجپتی علاقہ دبشت گرد تے سلامتی دستاں غے بشکار جاری تسادم مانہ ایک زخمی فوجی زخماں کی تاب مانہ چل بسو یوہ تسادم بار آلی شام نانہ شروع ہوو تھو زراعت غے مطابق کارروائی دیر رات اندھیرا غی وجہ تیں روک دتی گئی تھی لیکن سرگی ویلے دوبارہ فائرنگ غے دوران ایک فوجی شدید زخمی ہوو تے اُس نانہ فوری طور ور ہسپتال مانہ منتقل کردتو گئے لیکن دوران علاج زخماں غی تاب مانہ وہ اپنو دم توڑ بیٹھو اتوار نانہ فوج سی آر پی ایف تے پولیس غی مشترکہ ٹیمان نے گجپتی علاقہ نانہ گیرہ مانہ لے ليو جس تیں اس ٹھکانہ غو پردہ فاش ہوو ہے تلاشی غے دوران ٹیم گولی غی زد مانہ آگئی۔ کارروائی جاری ہے تے مزید تفصیلات غی اجیں اُڑیک ہے۔

DEPART OF POST

محکمہ ڈاک نے آئین اپنان غا ۵۷ سال پورا پون کی خوشی منان غا سلسلہ مانہ نویں دلی مانہ ۳ روزہ پروگرام منعقد کیو ہے یوہ پروگرام نیشنل پھیلینٹک میوزیم ہو رہیو ہے جت ہر عمر گا لوکاں واسطے بکھ بکھ قسم گا شغل پیش کیا جنیں گا اس پروگرام گو مقصد عوام نانہ آئینی قدراں سنگ روشن کرا گئے اتحاد تے قومیت نانہ فرو دینو ہے یاد رہ جے اس موقع ور نمائش کوز مقابلہ داک ٹکٹ سفاری تے تحریر خط گو وی انعقاد کیو جے غو اس سلسلہ مانہ وزیر اطلاعات جوتی رادتیہ شندیا نے اج مذکورہ میوزیم گو دورو کیو۔

SPECIAL TRAIN

مہاگنہ ۵۲۰۲ مانہ شرکت کرن آلا عقیدت مندان واسطے محکمہ ریلوے نے شری ماتا ویشنو دیوی کٹڑا تیں پریاگراج توڑی ۳ مخصوص ریل گڈی چلان گو اعلان کیو ہے اس قدم گو مقصد ہے کٹڑا تے ارد گرد غا عقیدت مند مذکورہ اجتماعی تہوار مانہ آسانی سنگ حصو لے سکیں۔ اس قدم غی سراہنا کرتاں واں کٹڑا تیں بی جے پی ایم ایل اے بلدیو راج شرما نے خوشی گو اظہار کیو ہے تے عقیدت مندان مانہ وی کافی جوش جزیو دیکھیو گئے ہے اس موقع ور بولتاں واں ایم ایل اے موصوف نے اس طرز کہیو۔

REASI MUSHROOM CULTIVATION

کواتین کی باختیاری تے خود مختاری مانہ ضلع ریاسی کی انیتا دیوی نے مشروم غی پیدا وار کرغے کامیابی حاصل کی ہے اور اس غے نال وے اقتصادی طور ور خود مختار بن گئی ہیں تے اپنا کُجبہ کی وی

مدد کر رہی ہیں انہاں نے مہکمہ کھیتی باڑی کی طرفوں دتی گئی تربیت حاصل کرغے اپنی مشروم کی پیداوار کی اکائی قائم کی تھی۔ اس ویلے وے مزکورہ پیداوار تیں سالانہ ۱ لکھ تیں متی رقم کما رہی ہیں واضع رہ جے وے اپنی تیار کردہ مشروم بازار مانہہ وی مہیا کرا رہی ہیں اپنی کامیابی بارے بولتیاں وں انیتا دیوی نے اس طرح کہیو۔

DEFENCE MINISTER

وزیر دفاع راجناتھ سنگھ نے نویں دلی مانہہ این سی سی گا یوم جمہوریہ بارے کیمپ مانہہ بولتیاں اظہار کی وجے یہ نوجوان ملک گو سرمایو ہیں جہیڑا ملک کی ترقی مانہہ اہم کردار ادا کریں انہاں نے کہیو جے بھارت غی ثقافت ۱ سو ۰۴ کروڑ شہریاں غا اتھاد سنگ جڑی وی ہے تے اس طرح ہر شخص کی ترقی سماج کی ترقی نانہہ ظاہر کرے۔ انہاں نے عوام ور زور دتو جے وے اصول اتحاد تے قومی یکجہی نانہہ نانہہ برقرار رکھیں کیوجنے یہ ملک کی ترقی کی بنیاد ہے۔

WEATHER HIGHWAY

محکمہ موسمیات نے اج تک پلک واسطے ہلکی بارش تے اچیراں علاقاں ور برف باری کی پیشن گوئی کی ہے اس سلسلہ مانہہ مزید دسیو گیو ہے جے ۲۲ تے ۳۲ جنوری نانہہ جموں غا میدانی علاقاں مانہہ ہلکا توں درمیاتہ درجہ غی بارش جدکہ اچیراں علاقاں مانہہ برف باری ہوسکے اونگا جموں سرینگر قومی شاہراہ نانہہ گڈیاں کی او جانی واسطے دوپاسے تو کھلو رکھیو گیو ہے تے اس ضمن مانہہ مسافراں نانہہ مشورو دتو جے وے شاہراہ ور سفر نانہہ تہاڑے گا ویلے کرن نانہہ ترجیح دے نال نال تنظیم ضبط گو خاص خیال رکگے تاریکی مغل سڑک نانہہ برف باری کی وجہ تو گڈیاں کی او جانی واسطے بند رکھیو گیو ہے۔

UDH ROAD WIDENING

ادھمپور شہر مانہہ ٹریفک غا مسئلہ نانہہ حل کرن واسطے حکومت نے شہر غے پیچوں بیچ ۲ کلو میٹر توڑی سڑک نانہہ چوڑو کرن تے دوہری لین بنان غی منظوری دتی ہے جس واسطے خصوصی رقم مہیا کی گئی ہے۔ یوہ کم بی آر او غی طرفوں شروع کیو گیو ہے ڈپٹی کمشنر سلونی رائے نے اج سلاتھیا چوک تیں ڈومیل توڑی جاری تعمیراتی کم گو معاینو کیو تے بی آر او گا عہدیداراں نانہہ موقع ور ہی ہدایت کی آکاشوانی نیوز نال گل کرتا وں ڈپٹی کمشنر سلونی رائے نے اس طرح کہیو۔

ANNOUNCEMENT

علاقائی خبراں آلو شعوبو آکاشوانی جموں نے کٹھوعہ ضلع واسطے عارضی نمائندہ غی درخواست طلب کی ہے اس سلسلہ مانہہ امیدواراں کی عمر ۴۲ تو ۰۵ براں گے ہشکار ہونی چاہیے پی تی سی واسطے ضروری قابلیت پی جی ڈپلمو یا صحافت مانہہ ڈگری یا پھر کسی تسلیم شدی یونیورسٹی تیں ۲ سال غو صحافتی تجربہ غے نال گراڈیویشن رکھی گئی ہے اس تیں علاوہ کمپیوٹر تے وڈ پروسیسنگ غو سلم خبر جمع کرن تے برقیاتی میدیا کوریج غو تجربو جروری ہے اس ضمن مانہہ امیدوار ضلع صدر مقام تے میونسپل گا ۰۱ کلو میٹر گا دائیرہ مانہہ رہن آلو ہونو چاہیے تمام ضروری دستاویزاں غے نال نال درکواست کی بارڈ کاپی ۵۱ فروری توڑی بیڈ ریجنل نیوز یونٹ آکاشوانی گا دفتر مانہہ پچاویں جس غو پین کوڈ ہے غا آخر مانہہ www.newsonair.gov.in ۱۰۰۰۸۱ اس ضمن مانہہ مکمل جانکاری مہاری ویبسائٹ آسامیاں آلہ آئی کن ور دستیاب ہے۔
